

rum subactum, Cyrus interrogavit, à quo essent arbores plantatae, & cuius solertia tam aptè dimensæ? cui respondens: mei sunt ordines: mea descriptio: mea enim manu sunt satæ: Tum Lysander purpuram ornatumque Persicum multo auro intuens, dixisse fertur: rectè Cyre te beatum ferunt homines, quoniam virtutis tuae fortuna conjuncta est.

Huic vero culturae superiori saeculo Vir Celeberrimus ac laboriosissimus, Dn. *Ulysses Aldrovandus* Patricius Bononiensis, haud inutilem navavit operam, qui inter alia exquisitissima monumenta literaria *Dendrologiam* seu Naturalem Arborum Historiam conscripsit, ac publici juris fieri curavit, quæ quidem nunc denuò sub nomine atque auspiciis Nob. Ampl. T. in lucem prodire gestit. Non aspernabitur autem ut confido, Nob. Ampl. T. exiguum hanc mei erga ipsam devoti animi ac gratitudinis, ob cumulata hactenus in me beneficia, ac singulariem favorem, publicam tesseram, sed pro ingenita sua gratia benignè suscipere ac suo patrocinio liberaliter tueri dignabitur. Plura hac vice non addo, quam ut venerabile Numen Nob. Ampl. T. sospitem & florentem, inclutæ huic Reipubl. bono quam diutissimæ conservet. Sic voveo.

*Francofurt. ipsis nundinis vernalibus
d. 4. April: 1671.*

Nob. Ampl. Tuæ

Devotissimus cliens,

Wilhelm Serlin.